



文三

甘府君墓表

光祿大夫徐公碑銘

徐公夫人張氏靈表

薛侍御墓表

新興場大使陳君墓志銘

陸大夫墓志銘

候選府同知武君妻王墓志銘

吳節母墓志銘

中憲大夫高先生行狀

吏部左侍郎吳公行狀

文三

國子司業沈先生行狀

祭馬端敏公文

丁卯同年祭餘姚朱侍郎文

祭沈司業文

甘府君墓表

丹陽甘氏出於晉于湖敬侯卓族居甘邨明萬厯年遷江甯府城爲右姓居江甯六世生府君名延年字存仁祖邦基考國棟府君幼慧載籍一目帆上口顧不樂仕進蚤弃科舉學稍稍以治生昌其家性樂施與才氣無不舉嘗好爲其難上元周家山石磯臥水濤浪朝夕來齧之地當江口羣帆所趨暴風起激盪上下望岸欲赴逆而折焉胥溺

善慶堂藏書復堂類集一

善慶堂藏書

國子司業沈先生行狀

善慶堂藏書

善慶堂藏書

歲有府君斲巨石爲柱冶鐵經百丈柱倚磯絕及山足風水卒變人得馮挽乃獲全矣築高橋門石隄從橫廣堅負戴坦坦人名之曰堅固堰聚寶門豐城黯泰易石新之往往陰出私橐而以醮資告人惟恐義聲或章也道光季季江甯數被水圩田淪陷盪及廬舍風雨嘯號如響之咎府君櫂舟載餽徧饑者或有樓居莫出關牖得濟蓋惟日不足無勞苦之色寒者衣之病者藥之全活無算夫天地大矣人猶有憾偏災流行人命若芥川涂險塞行道傷嗟人力旣施遂以禪天地之闕若府君者可謂賢豪者邪府君性孝友義先於家昆弟繼逝致哀恤後旁逮甥姪率視所生歆故學士程公晉芳爲世通儒嘗寄琴江甯及子婦

文三

二

張旣寡流寓無所依府君周之備至比死葬焉少羸善病日者謂季不逾六十比七十而神識不衰咸豐三年賊破江甯府君避居官山冢祠泯焉無長物而所識有陷賊後出者猶館之丙舍不能容僦邨舍農家皆滿日脫家人環瑣易穀以食曰大難之來我則幸免窮而歸我何忍而不同憂乎賊據江甯日久乃轉徙至嘉興府君憂兵事日亟東南之民轉於水火盡然以傷遠適異地徂暑中人咸豐七年七月得疾卒年八十有一府君雖享大年而晚丁喪亂憔悴憂傷衡以仁壽之理卜以神明之厚胡不百年不獲親見承平之期其可慨也夫嘗以兄子熙貴

馳封朝議大夫禮部儀制司郎中生子二鼈貢生光祿寺

署正銜元煥優行貢生 朝考一等以教職用署宿遷縣
訓導孫曾源曾沂皆江甯諸生江甯克復歸葬官山之阡
元煥走杭州以狀來乞銘幽之辭謹次厥大耑表於墓道
誥封光祿大夫徐公墓碑銘

公諱夔字俞臣先世名惠自浙東衢州再遷爲長沙人也
晦學熹志橫經隴畝十有餘世祖光楚內行純篤配羅夫
人苦節百歲垂輝方志益克昌之基也考國摺成教鄉鄰
隱若大師王彥方陳仲躬之流矣公生而齊稷少以軌物
自持長益澤於詩禮孫志時敏造次儒者言動視聽衷聖
復禮年三十講授里塾生徒蒸蒸弟子羣從就傳於家師
嚴道尊黜所假貸因材成就道路傳之公季弟芬舉甲科

文三

三

官禁近萬石之家門戶始崇公用世之志濟物之仁屢中
之知成德之勛溫溫不試斯盛斯傳所生諸子執六藝之
通束三物之教匡國宜民發揮家學公之隱曜賢於振轡
非偶然也長子樹銘弱冠登朝康夷王路使車四出以人
事君海內人望中朝寶臣實曰家督嚴君樂之仲叔諸子
民人社稷學古入官吳楚於越膏澤下民公拜親於堂老
猶孺子嘗就養樹銘福建官府而妣羅太夫人壽終於家
星奔泣血感動路人繼遭父喪益用緜悒盡誠窳窳脩明
禮經固知百行莫先巨孝至於窮經討古不事箸述箠戒
滕口匪直撝謙初樹銘使齊公游太山軍期旁午寓兵於
農出書篋行軍法部勒長君承教組練堅利仁者之勛不

其然乎公道器凝澗淵其淵頌身粹容儼然而溫以故
識不爭趨於前與父言慈與子言孝所至撰杖浸成風俗
沅澧大水流以萬夫公勸貸振養全活無算旱乾平糶家
穀先發鄰里詎諄欲訟不敢一就質正推誠化爭蓋莫不
斂服云家庭離穆過華子魚身教久矣俾述可忘怡神家
荷年七十七偶嬰微疾手不廢書光緒五年三月幾望公
撤瑟之日沐浴正冠家人咸侍講禮中庸記反覆首章率
性脩道本之中和中和大原戒慎恐懼言畢視晷啟手告
終公以子貴累封光祿大夫兵部侍郎配張氏封夫人同
治十年先公卒子樹銘道光廿七年翰林歷官兵部禮部
侍郎以薦士左遷今官大理少卿樹鈺江西府同知署清

文三

四

江知縣樹錄監生樹釗江蘇知府前六合知縣樹鋒同治
九年副舉人官浙江知縣樹鐸議敘布政司經歷孫豐立
二品廕生懋立兵部車駕司主事公大楚耆德聲實蔚然
耄期不倦施於孫子禮葬長沙東鄉大賢都建碑墓左於
制立銘辭曰

古鄉先生沒可祭社履蹈規矩文章韶夏巖巖徐公會閔
儒者孝于惟孝德輝朝野英英令子競爽揚名珪璋國珩
金玉家聲執禮無違上壽垂明慈彼後裔矧石永貞
光祿大夫徐公夫人張氏靈表

夫人長沙名族張氏高門某公之淑女也迹其箴紉在室
蘋藻教成孝弟永懷臧獲無閒體季蘭之性巖贊菓之儀

歸同邑徐公言告師氏何辭煩驛夫子克相威姑以訢宜
其誕毓大賢紛綸五福者也徐公服彥方之仁直膺仲弓
之純懿潛德不仕麋壽綰綽夫人生六男二女貞松丸柏
奇玉特珠天眷德門萃於帷帟長君樹銘學明外內志康
民物踰冠登庸優馭揚歷岱嶽輶車閩海蕩日迎養之書
旁午拜信而尊章色養婉婉在堂夫人至性竺厚澹榮職
孝十年之間未嘗就道比同治六年長君以禮部侍郎使
浙視學夫人已終事二人餘哀澹澹始俞誠乞來就盤匱
蓋徐氏累葉孝思不匱侍郎兄弟明發耿耿猶孺子慕承
教實然侍郎使還方奉顏笑次于江汜夫人第七子樹釗
作宰六合施偃艸之政關子舍以迎之平反庶獄踰於甘

文三

五

旨夫人樂焉侍郎以薦士蒙議左官太常廬邸震蕩南望
惕寐果馳凶問夫人以同治十一年年七十五某月某日
終於六合縣署太常聞告自絕者十失血者數望星南奔
雪霰助哀江艤繫幕六衢不春迺以十二年卜葬于長沙
鬼神來告龜筮咸從十月丙子朔十有七日景時負土斯
竟防封呂完子樹銘前兵部侍郎今官太常寺卿樹鐸劬
學蔚文嬰疾早卒樹鈇江西候補府同知樹釗江蘇六合
縣知縣樹鋒浙江候補知縣樹錄某官孫五人太常先時
書命達於杭州故吏譚獻文以哀辭銘之丹石庶揚母惠
於不朽茲幽宮於罔極頌曰

繫母氏之令德永育鞠亏後人歿一門之壽軌恆疆固已

百季廣思齊之成教蹈任姒之鴻塵鬱楚國之輝光到家道而繼賢想我公之純惠桓車挽而栖山獷尤來而弄兵兮馳狡獪之狺狺日左右而無方迄靡危而不承羌致孝以教孝素八子而恂恂何夙喪於江表庶期頤而摧之坤載衰而靡恃銜枯魚而增哀遭微疾以告終調和緩而不治霽銜恤亏四方解華紱而襲衰稟衡嶽之淑氣卜鬱鬱之佳城申烏集之悲懷永揭虔而妥靈芾乾蔭之大臺作王國之幹楨翩靈禽兮來下曜日月於元局

山東道監察御史薛先生墓表

同治元年江西鄉試副考官薛侍御以勞疾卒於南昌貢院閏八月九日也先生東南人望多文有聲考校尤精覈

文三

六

臨沒猶部分進呈錄越日放榜多方聞士皆以不及見舉主爲恨侍御名春黎字淮生安徽全椒人咸豐壬子舉人癸丑進士先達沈文忠公典江南試以先生爲榜首嘗舉其學行以告獻游京師未見先生心儀之已而見先生同懷弟於嘉善今學者所稱桑根先生者也同治二年桑根先生知杭州府署糧儲道謝病解職講學西湖獻著弟子籍於薛氏益習頗聞侍御爲學節目立朝本末又十餘年獻作令全椒侍御嗣子葆榿以先德卜葬日久表墓之文未具因以屬獻爰本夙昔所聞書之先生少承父教治經有家法邃三禮之學老於鄉舉旣上第恆慟親之不見也入翰林銳志經世自四史三通以至胥吏案牘潛心研討

不事冠蓋徵逐所交惟王侍郎茂蔭尹御史耕雲黃兵部雲鵠何員外秋濤皆清介開敏之賢者也改官臺諫益奮欲有所建立每上封事肅衣冠垂涕屬草旣進或焚之家不得闕當是時海警方興粵寇猶橫時事阽危先生抗章籌防夷劾權貴尤拳拳大者可謂不負所學矣先生卒時家人在京邸次年南歸中道遇征軍紛然奪行客車馬弓刀雜沓且大窘江西會試舉人數十方聯車至皆曰吾師門也若何敢爾驅我曹車去可乎軍人則斂手退矣先生教授人士多所成就成進士歸全椒方戒嚴先生乘陴戰守卻寇散館入都而城始陷故鄉黨感之同治十三年請從祀鄉賢祠祖鳳翥父蠡淮南耆學爲教鄉里兄暄黍

文三

七

庚子舉人弟時雨癸丑同榜進士浙江杭州府知府有三鳳之目娶王繼娶吳三娶郭郭淑人尤賢明也皆無子以兄子葆榘嗣優貢生候選光祿寺署正同治四年十月葬先生於羅梁趙山揭石墓門乃系之以銘辭曰

匡衡抗疏於古有聞通知時事則殷侑其人興起者與夫親炙之士再拜則曰文先生之墳

清故新興場大使陳府君墓志銘

新城陳氏代有聞人江南西道高門弟一文辭書翰垂輝海內則有碩士侍郎玉方侍御子鶴尚書後先相望而凝齋先生實以正學修明南服金鑽石室遺著列於儒家粹然爲江右人師有四世孫學洪字充之戶部侍郎觀之孫

承德郎希良長子也少羸善病又苦淡悶時時厥逆父母
憐之不令肄科舉之業而君固沈默好學受業於世父蘭
祥饒進士拱辰治宋儒書遠有帑緒益推究凝齋之學恂
齊逡遁東修出入其爲學以孝弟爲本篤事二親先意承
順弟兵馬司副指揮學淵早卒遺孤又殤君旣命次子鵬
爲弟後資嫁弟女過於所生先時家門鼎盛與從兄弟公
財於鄉黨好施管理義倉以舊儲襍稊稗出緡錢買穀陰
易之迄更兵亂家亦落而君志行終始如一少卽治心性
極理要不讀非聖之書丹鉛劬瘁能文工書蓋嘗謁醫祁
門方劑有效病良已道光二十一年年且四十始謀祿養
入資爲兩淮鹽場大使淮上饑運甲天下牢盆之利習尙

奢詐鮮能以吏職自厲君漸漬儒術緣飾從政於海州築
隄濬河事至立辦嘗蹤跡富安灘審私發之如山積泰州
運副邵陽魏源歎異君之才識署板浦大使商民頌之至
今咸豐元年以憂歸三年粵寇棘圍攻南昌君先倡團練
於鄉至是義眾四千人扼武陽渡賊不敢犯饒道以通君
與同邑楊太守堃南豐吳編修嘉賓之力也解圍策功君
力辭薦達卒以兵事毀其家六年再之官授新興場大使
以安靜爲政時時讀書如經生同治初元羣捻犯清淮君
嚴保甲乞師守境夏旱海濱民扇動環官寺洵洵求減賦
君曉眾大義蠲誠步禱旣得兩人心甫定乃有議加賦者
君以兵起鹽滯銷小民生計且盡力陳於大府始寢積瘁

官事夙痾旋作十二年春謝病得請去官日父老泣送道
旁數十里不絕旣歸流連花木手一編擘味如少壯手書
教子恆舉先正格言以修身應官安貧謙退爲宗旨光緒
三年新城稽事告歉君約同志平糶五月五日猶集議俄
而疾大作越一日丙夜卒年七十三長子驥工部都水司
主事好學有文殉於京邸次子鵬安徽知縣三子鷺浙江
縣丞杭州陷殉難四子駒福建巡檢漳州陷殉難五子祐
候選通判孫四振清揆清挹清皆鵬生本清祐生揆清嗣
驥後承重子姓烝烝讀書有家法新城人皆曰凝齋先生
後人賢也配雷氏有婦德仁孝慈儉前君十年卒茲以光
緒三年某月某日合葬某山之塋銘曰

文三

九

儒書高蹈以爲世憂吏道多端岷乃飄搖請書陳公揭築
于皋卅年遺愛淮水漉漉陳多貴仕華纓以彰卓乎循吏
太邱之儔搏搏厚土妥靈於幽石泐名章崇封千秋

陸大夫墓志銘

所貴乎循吏者以其勤民也勤民也者親民者也古之有
司守令而下丞簿尉各舉其職課勸程能去民也近其勤
易施漢魏間人位卑而名高悉數不能盡後世大吏日增
多在下位者束縛而無以自見顧雄駿君子懷仁抱義威
則威惠則惠效捷而事專眎其人而已顧亭林云小官多
則天下治有以哉陸大夫名枚字建中浙江山陰人遷蕭
山大父涵遠父闓風嗣於大宗則祖名遠考東高父以諸

生游京師名動公卿君亦留都下十餘年習與巨人長德
上下議論故才益博達宅心尤和厚出官而不以未秩自
菲薄也宦游安徽任桐城馬踏石巡檢地當古樅陽漢以
來名人游覽馮弔歟蛟之遺蹟盛唐之歌如聞焉爾君之
官曰此固陶士行治所也吾安敢不勤以繼古賢於是日
討四民朘朘告語民見君疏食大布之衣而孳孳於興舉
廢隊則奔走恐後爲築治道飢者饘之病者藥之未足多
也大者乃力止棊子湖築隄以爲舒城潛山旁七邑水爭
趨樅陽以出大江湖居其內山洪匯之外漲緩內流駛隄
之則泥沙墊隘非順水之性也濱江戚家磯石齒齒爲行
舟畏涂道光中君蠲金創眾造救生船事幾幾不就迂笑

文三

十

者走匿桀黠之人至百計沮傷之君不爲動終以誠感四
十年不廢歲拯數十人歿者瘞焉汪公子者豪貴人也銜
納民牧馬者以危言告大府謂有陰謀將中以奇禍君乃
走白大府事始寢咸豐八年大帥率師逐寇過樅陽兵士
闕于市者君縛而笞之乃闕于門君曰彈壓吾官守也笞
兵丁爾帥且告大府吾待臯而已若何敢譁卒斂手去君
能立威重非啣嚙者今者懷甯李丞亦笞軍士健吏不當
如是邪桐城陷賊官軍復之大吏信君能檄攝縣令邑人
訐從賊者若瓜蔓君多方出其臯以爲救歿之人不當概
繩以危法仁而愛人固素所蓄積與城以內設育嬰堂君
久於樅陽知溺女之俗去城遠力不能至終棄不顧敦勸

善士分立於樅陽蓋永利寺云所全活又無算解縣事還樅陽先後三十六年時大小吏無久於君者矣同治八年乞病去官時長子顯勳已官壽州知州由四品銜加級請二品封典大夫之誥諸子者不外躬行所謂身教也光緒十年君去官流寓樅陽又十三年矣疏食大布之衣如平生樅陽之民親之如孫子之依祖父也五月三日沐浴端坐卒年正九十廷獻官懷甯嘗課圩隄民工往來樅陽入陶長沙之祠徘徊庭宇扶杖之老猶道君治行僕指不能盡亂定元氣未完又潦歲也安得大小吏勤如大夫仁如大夫威惠如大夫庶有蘇乎距君居尙二十里不得以鄉里後生換杖老成之側於今思之如有失也丈夫子七顯

文三

二

勳嗣叔父後煥從九品前卒顯仁糧道庫大使槩殤炳巡檢獻附貢生銑知州孫六人君之卒也顯勳方以俸滿入覲歸未至皖聞喪星奔與諸弟卜葬於山陰天樂山橫山岡以配王氏合葬焉元配周繼室王姚皆別葬顯勳與廷獻雅故馳書狀廬州乞銘案狀書其榮榮大者無愧古循吏於義立銘銘曰

拄笏者誰吏則傲陽陽趨走無特操下此賸民若炙燿緊陸大夫德自懼委吏棄田聿聖功矧同王臣一命庸處位惟曠治惟豐繫陸大夫羞鄰公黃耆者賢子揖揖理縣之譜垂家集水有蘭渚山有蕞繫陸大夫過者泣候選府同知武君妻王氏墓志銘

錢唐武正性季復悼其賢婦出入黯然如古所謂神傷者聽其言使人增伉儷之重季復曰吾婦年十九歸于予實
己道光二十八年四月十有二日午成禮今己同治七年閏四月十有二日午告終二十寒暑時日不爽豈彼氏所謂因緣固有定邪哀哉吾婦家素封父戶部公好奇多能所生子女十人顧奇愛吾婦吾婦至孝童幼至長婉孌不去側戶部公卒于圓溝吾婦親含殮時兄弟異居吾婦守
匱不去己至嫁日未嘗離圓溝也戶部嘗指海安一宅謂吾婦曰嫁己依汝比嫁兄弟勿與婦無一言既歸子溫溫
己肅侍尊章如父母人定尤寡言笑亦己此戒婢媪曰勿謹我大人也一家無閒言蓋二十年如一日咸豐初兵事
起避地轉徙無恆居長物盡失語子曰君不可以家食矣罄簪珥畀子入貲爲南河縣丞予之筮仕殆所謂爲貧者非邪婦得戶部之傳善弈通音律竝解技擊既歸于武女
工外未嘗一試子己所聞叩之輒曰非婦人事也癸丑春子奉母避亂山居卒有寇排戶欲入戶堅力闢之樞壞幾
厭吾母婦伸臂拒戶因擊數賊賊愕眙去家人咸歎詫己爲不可測也婦氏王父篤慶江蘇揚州府東臺縣人居泰州之圓溝歸武氏後生子一同辰女一其父母己子視之
其舅姑以子視之其婿則以友禮之而今已矣哀哉季復之言如此詩既醉曰釐爾女士說曰女而有士行者如武
君言豈非有士行者乎於義宜銘銘曰

松風肅然武家之山山靜已安是爲孝於父母於舅姑賢婦王氏之阡濟濟武氏婉婉閨門式此貞石告武氏之孫旌表節孝吳母顧太淑人墓志銘

太淑人生於河南裕州嬪於江蘇陽湖蓋故崞縣令吳大夫之側室也容德端粹閨範自然大夫文儒客授嫡劉有風痺疾四十無子母管太夫人且高年也太淑人婉孌來歸孝於尊姑善事女君族嫻有聞大夫成道光十三年進士挈家之山西治醇五年固劇邑也繇役繇日不給歲又不登振荒球乏傾橐不足假貸以繼惟太淑人實左助之大夫廉又好施子賢勞卒官公私逋積無算旣捐館盈門擘索太淑人流涕發篋眎來者無紉綺珠玉可直十金故

文三

三

書名紙則責家皆棄不顧去孤子唐林未成立摺拄逆旅間管太夫人又碎於太原太淑人拮据治喪禮無違者於是焦學使友麟羅按察繞典間而感焉賻贈有加淑人乃得閒關舉二喪奉嫡攜孤歸於常州也旣葬益貧宗族無與振豪強且侵之故宅不可託居太淑人曰惛疾故鄉鷓鴣之詩毀室取子小君貞疾時時歸甯未亾人何所託命然立錐無地則可兒子廢學則不可吾君高才清白吏子孫可穫庸保乎乃挈唐林就學舊嫻管氏寄廡讀書唐林竟以文章風節有名當世見用於時矣歲時伏臘祭於故宅扶龍鍾媪未明而至暝色而行不使路人見其面也唐林學成負米北南公卿折節中咸豐辛酉順天舉人以貴

官兵部迎養京師向日豪強稍反其宅乃有寧宇唐林歸
治園榭太淑人題之息衰古飴啜粟顧而樂之已而改官
杭州輕舟可達邸舍如家遂巡五年唐林連登啟事太淑
人年踰七十雖平生積瘁而神明完固如四五十人光緒
七年秋得末疾迫冬不起以十月下旬七日壽終太淑人
幼遭河決附梯漂流遇拊溺者故不知生時月日至於有
家食貧扞難茹辛苦者卅餘年始獲有子有孫居安食甘
之一日然而祿未逮養孝子之心猶泣血也唐林三品銜
道員用浙江候補知府孫禮申陽湖學生禮璜禮壽太守
以管樂撰狀來乞志墓之文獻於太守雅故前年太淑人
之訃郵致黟縣獻方宰全椒道阻今始有聞也謹按狀要
刪如右管樂才叔太守同學舊嫻文詞爾雅獻固無以加
之乃系以銘曰

文三

西

息衰之園始築不垣惟時歲晚風雪旣寒鰥生隨計訪戴
闌藩陶母留賓窮塗一浣客衣襪縫未拜睟顏同上公車
分金濟艱宦轍殊軫寤思昔言馮勤可扶齊賢蒙恩何圖
蕭條風急樹殫膏梁匪腴金石匪完有母介節惟音斯翰
達於

九陞綽楔清門清門再造下告九原馬鬣崇封謚兮營魂
清故中憲大夫道銜候選府同知高先生行狀

曾祖士楨 皇贈通奉大夫四品銜內閣中書

祖崇文 皇贈通奉大夫四品銜內閣中書

父鳳墀 誥授中憲大夫候選道仁和縣貢生

浙江杭州府仁和縣雙陳衙高錫恩年六十六狀

先生原名學瀄咸豐六年後改今名字古民高氏世居山陰前梅里曾祖士楨始遷杭州士楨長子宗元創建杭州普濟堂號善士家世素封好施子醫藥棺匱寒衣歲有惠也曰是負鄉里望至先生父中憲公益任郵不勸先生幼卽劬學長益肆力經史於世泊然無營淵原師友有名聲于時曰例貢生應鄉舉七薦不上弟應舉文字古澹不偶時俗終已不遇屢助軍精議敘候選府同知加道銜先生博習于古尤軋正史成誦如翻水世事溫溫無所試顧獨居講求河漕水利輿地之學究極本末每衣冠盛集坐客

文三

五

論議飄舉先生默不一送難暇乃爲子弟析其是非其沈潛如此性好詩歌入書肆輒捆載古今人詩集歸坐一室丹黃點勘從橫滿席洞燭正變不喜近世門戶之見與夫斤斤唐宋之論議獨操正聲曰煥雅爲用而植體忠孝已撥弃世事也一意于詩所作富至數千篇又慎不示人非夙與文字酬唱并不知爲詩人也先生素溫厚家庭無疾言遽色僮奴治事不謹徐喻以理不忍呵譴孝之于家門外無間言中歲遭中憲公器哀慕猶孺子色中憲公存日家事不曰屬先生得專力讀書既終喪先生始庀家政一曰慈儉爲則而益之寬和客升其堂子姓愉愉臧獲亦豎然有自得之色絕不聞詬誶聲者數十年如一日先生有

才子曰炳麟字昭伯絕慧治經能綜後先諸儒說得要領
爲文渾渾入古甫冠銳乎有不朽之志顧體弱目又眇自
恨也曰爲不足用世則治釋氏書靈悟乃入荒渺遂病病
時哀樂無端緒馴至飢寒皆與人人異先生百方療之終
不瘳曰同治五年卒於越中先生樂交游一善稱之不去
口白少至老所遇文學士蔑不傾衿款接談藪極歡先生
之姑歸錢唐胡書農學士最契先生爲詩推許甚至吳江
郭頻伽山陰鄔雪舫錢唐張仲雅賢而有文負知人鑒皆
樂就先生定交相得也咸豐甲寅乙卯閒獻季二十餘同
志吳懷珍輩八九人聯鳴秋之社曰道義相劘切每集皆
記曰詩文昭伯猶未病與羣從望曾字茶盦傳錦字子容

文三

末

者皆在先生輒引後進密坐燕語若折行輩與論交者咸
豐十年十一年杭州再被寇先生避地會稽一季遷上海
兩年亂定遂巡歸故居一時耆舊有吳督部振棫許撫部
乃釗諸公宦成家居慕古香山洛下之會與張中書應昌
曰下有九老之游先生與焉諸老皆耆碩鄉黨崇其學行
春秋佳日一觴一咏可以照耀山水增成故實先生次子
驂麟嘗受知督學秦興吳公知杭州府全椒辟公讀有用
書爲名士季子雲麟亦勤稽古有文行同治六年舉於鄉
自昭伯之歿人咸爲先生惜今茲二子競爽家學益昌先
生自奉約綮繩牀布衣雖寒士不異中年喪偶苟無姬侍
斗室蕭然書一卷酒一杯而已善飲酒百榼不成醉年逾

六十神明不衰步履如少壯惟比年飲酒少減疇昔同治七年夏頭風作醫曰爲久飲溼熱沈滯遂劇疾旣甚猶枕書歎吟不輟八年五月卒年六十六計先生生平文字外無聲色絢綺之好雖流離憂患未嘗一日去書可謂學道君子矣箸友石齋集若干卷娶趙氏封恭人繼娶關氏封恭人生三子炳麟仁和附貢生候選訓導前卒驂麟仁和廩貢生試用訓導雲麟同治丁丑竝補行甲子科舉人女一歸杭府學生許之淦孫爾夔炳麟出爾伊爾傳雲麟出年家子譚獻謹狀

誥授資政大夫封光祿大夫吏部左侍郎吳公行狀

曾祖文運 贈光祿大夫吏部左侍郎

文三

七

祖世昌 贈光祿大夫吏部左侍郎

父士珪 贈光祿大夫吏部左侍郎

江蘇南通州泰興縣本貫安徽徽州府休甯縣吳存義年六十七狀

公字和甫先世爲休甯望族父修餘公始遷泰興著籍焉公中道光十二年壬辰科副榜貢生十七年丁酉科舉人戊戌會試成進士官翰林二十二年任雲南學政邊徼士惇樸而信公羽翼巨慎校藝至丙夜不休諸生悅教于于日親人面方音多不能辨四聲公于音均毋串今古乃曰李氏音鑑教之歲月改觀是時回民煽亂公巡試永昌竣事扃行出郭數里城中火燭天駭詢左右則曰回人構兵

既期矣使者清寔不敢犯俟出城而後舉火也公先後在雲南兵火相望夷然無懼云回京一年丁太夫人憂歸里二十八年江北大水泰興饑公倡士大夫議振募富人資至長隄曰吾爲數十萬人屈也泰興知縣張興澍公同年生相善也一曰荒政聽公方水盛時饑民栖樹杪數日無炊煙公親擢小舟楫粝餌必徧水退又爲苫蔽露處者是歲饑而不害服除入都直

南書房充日講

起居注官京察一等擢侍講咸豐五年乙卯科雲南鄉試正考官畱任學政其視學也益誠士民益親學使如家人顧回亂益烈至偏省城圍之城中英又鬩掠各牙門及富

文三

六

家獨不入學政解一步民攜婦孺藜藿來匿者數千人號舍皆滿公居雲南久習其亂端獨居愀然恆曰滇事一紙書可定而疇實蹙之比復命奏對陳變亂始末最詳其後畱臣稜用征撫小定復橫中原道阻幾等絕域者數年衆遷侍讀至學士嘗署順天府丞當泰西各國自天津深入乘輿出狩都門戒嚴間輒多攜家屬出走公方臥病謂所親曰慎之妄動自貽悔也事定既出復入者遇公有慚色論守禦功公獨署贖日府丞吳某抱病干掇詰姦皆不與今病未瘳不敢冒濫奏上廷臣嗟異已而升太僕寺卿改通政司通政使遂擢侍郎署禮部侍郎日慨文廟從祀位次多舛奏請審定績圖頒行從祀諸儒增設既縣于代用

其書垂於國胄之義漸失疏奏各直省臣工不得濫請署刑部侍郎日核議秋審冊籍秉燭鉤稽惻然於人命之重時有直隸民聚眾抗運總督奏當抗糧律抵臯者且數十人公爭於管部大學士曰糧抗而不納謂之抗糧糧納而不行謂之抗運刑部法天下之平也當示區別卒如公議減等公用文章進用學有經術溫溫不出諸口詩文藁艸不輕示人性廉儉無妄取予敝衣惡食讀書一室如寒士自通籍至宦成不邇權貴超然榮利之外惟臨利害侃侃持論不撓人以爲不可測也同治二年以戶部侍郎簡放浙江學政調吏部左侍郎當是時浙江全省被寇城邑蕭然前學政國子祭酒吳葆泰輟轉戎馬閒一試衢州府丁

母憂去官公繼之省城初復人主離楸喘喙繭足遂巡來歸勾筆研赴學使者檄公與爲坦夷嫗响拊循之士氣漸定從容飭粥比歲考一周秀良者遂奮於學公進與之言經史小學剗好高無實之論而一以讀書爲歸吏有虐士及民者畏公持之斂手不敢逞補行辛酉科選拔貢生考取辛酉甲子丁卯科優貢生所得皆知名士六年任滿三載中公風數病乞休歸嘗告其子曰歐陽文忠旣遷穎上瀧岡先墓曠遠足爲盛慮之累旣謝病乃赴休甯經營宗祠買田百畝祭祀之外分贍宗姓工未竟而卒次子寶清成之七年九月公卒於泰興里第遺疏上奉

旨照侍郎例賜卹娶李氏封夫人前卒生長子寶慈二品

蔭生候選府同知繼娶汪氏封夫人生女子寶清候選郎中三子寶讓泰興學生孫四人曾孫一人公著有榴實山莊文二卷詩六卷詞一卷葬于泰興某原既葬之次年碑志未具寶清走杭州乞獻撰述先師行狀將請當代碩儒表厥幽宮謹敘次大略同治九年夏六月受業門人仁和譚獻謹狀

四品卿銜國子監司業加五級沈先生行狀

先生名祖懋字念農晚號恬翁先世自湖州歸安之竹墩遷杭州家世儒術曾祖鴻基贈資政大夫祖孫連乾隆壬辰進士官福建道監察御史累贈資政大夫父學曾累贈資政大夫伯父學厚嘉慶丙辰進士官至翰林院侍講先

文三

三

生父魯齋公績學不遇生丈夫子三伯祖望仲爲先生季祖諫相繼舉甲乙科益大其門先生少穎異性沈篤每洽經史務竟其曲折不好涉獵喋喋口說十歲時嘗私取伯父架上書誤觸酒餅倒有聲長者得其故舉藏書縱之讀不限以童子業故先生未弱冠卽博綜羣籍爲文好深湛之思于學無所不闖至老不自表襮晚更兵亂轉徙數季遺文楸落承學之士終莫測其韞初就傅卽代同學爲詩文成章師嗟異之應有司試輒冠暫偶道光二十季館館第一授翰林院編修二十三年任山西學政使旋丁贈公憂器葬盡禮以下地致疾服除北上考取御史記名咸豐三年擢國子監司業明年

顯皇帝臨離時故事稍遠國子監滿漢官議禮無所折衷
先生博稽掌故證諸經典撰定師生迪

蹕位次及廟廷禮器斟酌古近精審再三先期進御講義
毋串先儒推明王政上契

聖聰同寮推服四季二月上丁禮成拜緞匹之

賜園橋觀聽侍從雍容稽古之榮無與倫比時廣西寇起
已三載林鳳翔李開芳之眾度河犯山東警報狎至秋九
月遂寇天津京師戒嚴朝官或謀走避先生創議各部院
官不許乞假以持人心已而賊渠既俘九門解嚴人服先
生臨事之勇明年三月簡放安徽學政皖北被寇浚前學
政孫文節公殉難太平府城羣視爲畏途

文三

三

命下門無賀者先生慨出使郵傳阻絕紆道輾轉至蘇
州受關防奏請赴徽州甯國暫駐二郡爲入浙門戶浙江
巡撫黃宗漢聞先生至大喜謂浙人經理皖防必能共濟
先生入徽州府城鄰邑太平石埭皆爲賊踞先生乃檄兩
校官往諭之二縣民謹呼迎曰不意今日復見長官學使
者出我水火敢不如命賊所置監軍皆宵遁先生在徽州
五季弔死傷問疾苦士民安之然賊去來無常欲舉試事
輒中止至九季己未始受代先生遂謝病游白嶽黃山賦
詩而歸矣比抵杭州賊警日偏十季移家居山陰賞祔弟
編修君劬于寓廬旣而杭州陷五日克復旋竄浙東先生
轉徙之慈谿十一季杭州再陷同治元季甯紹台道史致

謬舉采訪忠義局延先生主之二季官軍復杭州大吏趣先生歸仍主采訪局時善後事錄有司周諮屠沽織兒皆來干政先生遂不問它事比議建貢院乃推先生董其役費巨萬皆出激勸輸集不請公家一銖兩也先生以發潛闡幽史官舊職采訪局纂忠義錄實綜其成又以寇亂數年人士死亾子遺廢學主講杭州敷文書院歸安龍湖書院提倡後起以經術爲教杭州舊有宗文義塾教養孤寒子弟先生倡議請之有司廢者復舉先生善病時時杜門然物望所繫隱然師表家居七載優游山水潛心道誼不務爲講學門戶而虛和清粹見者自化至九季春臥病已六閱月枕席間手不釋卷四月卒臨終聰明不改先生生

文三

三

卽秀羸長而劬學差以道氣自固又習養生家言性恬退無榮利之擾聲色之好故于一家昆弟最爲老壽伯兄以舉人官陝西同知弟編修君出嗣伯父後旣卒所遺四子皆撫之成立在徽州治軍勸捐濟饑奉

特旨加五級浙江肅清總督左宗棠臚奏得

旨加四品卿銜娶孫氏繼娶劉氏皆先卒孫夫人生子晉蕃杭州府學廩膳生員孫榮椿乙丑之夏獻歸自閩中始得奉教先生五季撰杖若引爲忘季之交遂遁奉手每質所疑徐得一言渙然冰釋而今已矣獻方撰次泰輿吳少宰師行狀先師與先生同季進士學行最近相繼徂謝海內老成何其衰也嗚呼

祭馬端敏公文

嗚呼天隕台星地數長城方三千里萬涕一傾肘腋奇變
中外震驚天胡不弔國喪老成起家司牧待用鈞衡九閨
倚畀名勒天廷南條大川浩乎德聲吁嗟謫波九衢憤盈
鬼神如告沴兆五行攬轡於越束帶貢誠如何終古不見
前旌漢壽弔費蜀道亾彭故吏聚哭傳芭揚靈尙饗

丁卯同年公祭餘姚朱侍郎文

惟同治十有二年四月壬申前內閣學士禮部侍郎我年
伯久香朱先生卒於餘姚里第惟名德之寔寔識韓歐之
未遠何上壽之未及迫崦嵫而過反八月聿秋火旣西流
禮殯將發執紼泗浮彭年等乃以澗毛明水告奠筵几辭

文三

三

曰嗚呼龍集丁卯鄉舉之年懿惟少子家學淵淵同籍二
百情誼斯聯公謝未疾浩然歸田武林城曲得撰杖焉或
未上謁望若神仙經師人師飢渴聞見中外優賢名臣列
傳鬱鬱東南珍異竹箭奇榦千尋隆棟

玉殿南鎮作嶽降公夙成姚江汐流浩乎賢聲五色雲見
稚圭策名隱若麟鳳作瑞

聖清於二百年湯李晨星公乎接武文正文貞儒術迭迭
絕學將墜公續其散縷析仁義如樂在縣金石就次羣疑
百罔一日自棄乃章厥施乃措厥宜積誠悟

上懷謙集思挺挺正色言行俱危諫艸旣焚物望在茲屈
軼之生應此

昌期始終一節忠爲世師以人事君古今同揆求若不及
功無與比輅車四出羣賢鵠起大廈際雲公采杞梓萬里
秋駕公策駮駟文武蒸蒸惟

天子使如何百六壘在四郊子弟制挺鄉里同袍狃狃黃
巾羅拜不驕談談讒口兼金可銷層霄有輝

君門匪遙浮雲須臾終以昭昭公豈近名公惟從學至五
六十炯乎先覺驚辱驚寵傷我太撲儒林碩果上艾莖剝
嗚呼公亾壽考優游悉數生平行無瑕尤忠孝傳家功名
彪彪伯仲及季嗣公好脩承學之士如土思范遐邇哀悼
濟行濡軌悲彼卿月終不舒湛思公不見越山巉巉溯公
始仕大用上卿比再登

文三

三

朝翊贊

承明粵楚燕皖同升俊英濂洛關閩不藉郵程態臣偷祿
爾母絜楹曲士隄詬來就樁檠嗚呼典刑遂亾遺書可讀
蕭蕭西風衰此松鞠儉德敝帷遺風喬木再拜來陳生芻
一束尙饗

祭沈司業文

嗟乎公之存也超然公之亾也怒焉蓋傾城器老成之望
而明哲亾大臺之季嗚呼哀哉惟公策名天衢騁長轡也
軾轍聯鑣昌昆季也持衡萬里羣空驥也綠虵軍實文武
備也公以道氣之純學脈之真冲澹寡欲以終其身疇書
言行之錄卓乎名臣疇叩經史之術如見古人公謝病歸

塵瑩之外游曰逍遙從容楸帶夕烽四竟鄉國旌旆湖山
失容揚塵蒙昧黃巾埽盪還吾德門自然成蹊桃李不言
委懷聽之有司周爰市朝旣肅清議乃尊觀國之光鏤院
重闢躬工庀材罄厥良畫子來之誠歸于几席濟濟多士
游公之澤夷絃誦之音復作聿求乎經師人師公乃亟安
定之教士如在韓門之時扶衰之任非公而誰天胡不弔
德星其隕衣冠告哀靡有遠近曠乎金聲鬱乎玉韞指明
湖之流水若令惠之未泯嗚呼哀哉游公之宇知者其羸
表公之學箸者其餘惻愴琴瑟流連圖書儻後人之賢而
衍其緒與尙饗

明堂賦

明堂後賦

臨安懷古賦

定香亭賦

登城賦

續駢體正宗敘

儀徵王先生詩敘

知非齋詩敘

吳學士遺文敘

夢辭敘

文四

笙月詞敘

蘋洲漁唱敘

書僻先生詩集後

憶曇庵記

石交圖記

乘風亭碑

答郭晚香書

上張大夫書

馮童子誄

王孝子哀辭

附答王竹泉書

哀二士文

施母墓志銘

魏烈女墓碣文

張君妻江氏墓志

僧月印生壙志

薛先生六十壽言

明堂賦

夫明堂者權輿伏羲之易制始神農百家多言黃帝遐哉
邈乎匪杳冥亾芴莫鏡其原者乎眾禮之所歸羣政之
榘矣焯矣華矣懿矣冬官亾書闕有閒其軼時見於籍大
道楛矣何說鈴之嚶嚶也爰託孝武故事荀制度衷王道
繆呂氏明會易而賦之

文四

二

漢武皇帝元封五年天子方封太山禪梁父息風雨于離
宮斂珪璧于宗府儀七十有二帝兮而邦二十五姓沐日
浴月肅乎清靜岱宗之止蒲輪之所經有齊太室之遺儉
乎隱隱奚以瞰玉檢而造天方將拱乎蘿圖之上朝羣后
而祀明庭仰霄寔于四海下降乎重淵廣樂鏘鏘入華胥
而上僊則公孫其人豈不寫仿大火輝乎太微之躔張三
微之統而握百神之權徒詩清廟班茅土進繇蓂藉藉榮
熒其子何詢之哉於是涉南人公玉帶待詔闕下陳黃帝
明堂之圖其外則溶溶瀾瀾汨汨泚泚泌澗流溢沆漑湜
湜原乎鯤鯁之壑放乎藻荇之隄行乎仁義之丘度乎道
憲之匡風乎蘋末涖涖朝椒穀繡芳趾奐若爛爛流文彰

于尺只環橋門之鬱鬱若雲霧之下積帝蓋則天圍以象
之肆安翔而如壁其垣則土事不文木工不琢檄崇基之
嶷嶷列宿肅乎先後句陳翼乎上下兮灋太一以相屬四
門之洞達兮夫何規鉅連互而不回曲也召萬靈以出入
兮亾不克鞏其中則有殿焉耽耽軒軒環瑋璋秩秩飛宇崔
嵬踈鳥出乎其內窈亾四壁雲氣黶靄東延日兄寅賓自
出天漠所直王禮夕月八方萬國不知所屆茅茨后唐從
衡覆蓋太古抑損廓乎無外若乃嵩高三萬峙乎昆侖樊
桐一成闐風輪困大帝所尻傾城之顛淵精光碧銅柱際
天鸞焉襄裛巢乎列眞天人往來不可殫論禩道狀之玉
樓岫岫炎炎熊熊太史眎氛蓋惟南之方位望屬車之清

文四

三

塵爨絕棟以北出俛蒿柱以東西時拜祀乎上帝何萬葉
之填填天子披圖未數丞相平津侯颺言曰鉅制斯崇古
曰合宮夏后世室四戶八窗五室九階白盛是重四阿重
屋複笮橫縱七尋三尺帝乙以降陳遺規於匠氏緬致飾
於攷工三王不相襲兮繹博士之所誦於是涇天準地葡
物象德周曰明堂軒轅是則反坫亢郎隄唐山廡東都清
廟休有烈光度几度筵廟門闔門九嬪九御外內有間宗
周始位營洛旣作路寢斯闢時巡有赫沿革損益孔曼且
碩固聖王所有事攷禮儀而卒獲臣聞大裘而冕璧圓而
蒼禋祀晷天五帝明明頡太紫於穆清威泰壹以下頽目
冥眴而如見御神氣于天閭耀魄瑤之灑灑仁六合而俯

天皇青帝威巾招拒金方燦怒樞紐或赤或黃玄冥北極
其帝汁光達乎中姚郊乎四笏淫然淶澤丽乎庚庚圭璋
琥璜牲幣各放天產地產中飮是防初生半舛猛象秋嚴
沆乎四周半見閉藏介乃有牧仁明越第肇祀大開明堂
覲于天子爲宮爲壇奉旂尚右御天乘龍升降蕤蕤柴升
沈瘞卽于神謀赤芾金舄會同是求九夷八蠻通達萬里
友邦冢君恭敬執事蓋穆穆焉雖雖焉翼大路之時巡拱
神京而述職齊玉軼以範驅錫象服以蕃社惟天子之有
父祭莫大于配天粵若叶古重華文命顓頊倍緜協和人
神殷薦配食岳牧駿奔風雲翔於俎豆日月接于块振肅
太廟之巨兩猶模繡之紛紛金聲玉振升歌而絃俎鼎刀

文四

四

七粲乎節文禮不王而不禘尊宗祀而承先拜文武于二
室大合樂于四親王凡門中歸餘呂成歲軒獲寶鼎推筮
甲子之會絕地天通星鬻布位大撓呂來乃司分而司至
迎送日月百物以遂繫靈憲之昭昭乃義伯和伯之所蒞
殷替正夏中星就次三正迭用夏時釋例鞠見女正符若
芻契日官月御南面所視正月始和頒告朔於邦國挾日
斂藏祭牲用特五味異宜衣裳異色峩峩象魏父老扶杖
而來觀振木鐸以徇之來玉操而聽焉至若大教之宮法
天立政大學辟雖靈臺旣營四門教胄東序是程養國老
與庶老詔乞言於樂正東學南學之出入師氏保氏之是
刑園橋觀聽虛而不盈濟濟多士蔚爲國楨乃稽農祥小

非脈土爰章耕藉之制率五鳩與九扈乃緯耒而均田
怨寒而咨暑散軍郊射澤宮閑閑狸首騶虞冕而總于惟
虎賁之說劍肅乎扞城之選文惠昭武節宣攘蹙整旅已
清中原聿有獻俘于京大室大武奏焉惟王師之獻捷布
愷樂于九區太平之應日至願忍於須臾詠在泮之獻
職繩繩逮乎魯侯固禮樂之統宗宏六籍之總龜乃告葡
於宮縣合羣音已翁集會咸池與六英修六代之虛業鍾
鏞作于堂上閒竹石之翁翁夔搏拊呂滄滄百獸舞以孔
洽歸昌鳴而來下簫韶九成而相合奏大呂與雲門亾大
過與不及羅任昧與侏儻人聲應而逾捷帝翦鷄首醉於
咸秦呂十二紀游客拊軫居左右介時則之訓羌上圍而
下方如坐井而驤首上無所容衝梯兮下亦阻乎隊道固
約略于帝王俄逡巡而器守步星紀而異中命百官而非
舊大漢隆盛如日再升遐稽中古妣子呂興文質循環張
弓弛弓分五室呂治之開寢席而畢登出郊而朝萬邦何
大旂之如林於鑠乎順考古道襲六藝爲七而揚皇風且
夫衢室之聽顯懿五府承天生聖爲会易主東西北南中
央神斗左右紫微之垣順並大微之數五潢營室天市肺
附旋機玉衡七政葡具五行棄于震兌判執規而執槩東
方不呂治西朔南各眎其卦蕃艸木與鳥獸呂无災而无
害夫是呂星陳天行詔泰陰與招搖屬堪輿呂壁壘聲警
蹕呂豫游倚五行而交會兮金水木火各還乎其嚮皇帝

俞之乃詔奉高經營於汶上執帶圖巨面執采古禮巨不
爽嵬峩複宮四達九防五季修封降福穰穰鄒子樂乃上
明堂之頌頌曰於皇封禪厄鴻湛恩巒喻林飾雷回雲云
洞達不幽人有遐遠遐稽義農天曠粲粲於惟明堂在國
之陽桐生含靈象設孔明天子于郊樂倡和聲般爾謙能
天府紀成明堂四序歲功惟敘治憲明時天若匪阻總章
青陽金木茂豫穆穆皇皇承天帝祐明堂四極日出海隅
泰遠之鄉八國旣趨濮鉛南屆祝栗不踰允惟四荒莫敢
不來享拱于帑宮精栗智爽明堂四靈黃龍之蜿蜒雙角
竝舐神囿有麒麟惟鳴之節足鳳皇之仁神蔡游深池靈
沼鄰鄰帝惠廣淵符瑞數臻翼翼明堂天漢作之滂沛巡
游惟惠布護之杳冥降靈川嶽格兮明會洞易遵天路兮
惟漢四世兩且博兮訪道空桐求罔不獲兮劬石厯竊被
蠻貊兮三五六經百王上下兮卮言日出志可逆兮

明堂後賦

前賦略具經師眾說
復要刪爲後賦焉

齊宣王欲毀明堂孟子諫焉遂止勿毀王乃發于雪宮後
車千乘朝駕于泰山勃窣畢登從臣穆穆游于明堂王顧
謂大夫髡曰斯堂也果奚始哉對曰臣聞之成周卜洛萬
邦朝宗大祭于廟布政于宮衮衣來歸明堂旣位東西北
南鑾輅時至泱泱乎齊之風也太公賜履實爲方伯巡狩
扈從天人來假不敢私于國中故築王者之堂泰山之
陽風雨呂和民物呂臧天子歸洛神靈震震諸侯拜送各

從其旂厥轍旣東天威普矣和鸞亾聲日月其晦媯育于
姜封履益大東狩亾荒車息馬逝明堂閱久而不廢王
曰茲之八達四通博橢園方寡人見之肅乎如接太一之
庭游華胥之鄉制之質文禮之古近其若何也髡曰楚客
景差來主于臣嘗作大招械乎有文曰名聲若日照四海
德譽配天萬民理北至幽陵南交吐西薄羊腸東窮海又
曰英雄赫赫天惠明三公穆穆登降堂諸侯畢極立九卿
昭質旣設大侯張執弓揀矢揖辭壤凡所亾崇尚三王發
擯明堂之禮者畢隲王曰善試召客爲寡人賦之髡乃命
差差曰唯唯夫何昊穹之叅象兮煥明堂之上儀心三星
其在天兮亾太皞而曾累指五潢而營室兮狀堂壇與壁

文四

七

水赫兮公孫氏之王天下鬱淵化人之神風后力牧太山
稽巖乎拜道之臣兮女制車應龍戰野丁壬降天螻螻表
土實惟萬靈來止亾所繫督閭亾云集羌呼吸而升降帝
乃坐明庭亾朝之齊中宮而儀翠茅蓋殿而水流長迎日
于中央闢合宮之嶠嶠布亾德之明明亾三五而无極含萬
物而合彘易世室重屋妣子沿革反坫四阿知所損益周
宗嚴嚴几筵亾度元公負展成康荆曆太平之應渾嶠玉
輅於是乎東都載營澠澗交縈建圭土中遂若羣生高倚
大壇萬國有聲其堂也則穹窿洪宏耽耽峭峭嶙嶙泉泉
序序庚庚外則泮流溶溢洳布漾裔駕央在梁婉頸叅翼
汎瀾內向風采蹙厲椒殼激盪涵緜哲哲周垣繚之四門

煌煌臯雉庫應觀闕有伉桀仄又五室從衡四序布政
下國是皇尔其來玉璫命珤圭景風至被玉墀結旨貫耳
之民雕題鑿齒之國九譯八蠻殊方絕域土揖于楹閒兮
合大樂于宮縣奉旂而從祭兮肅肅曰明之幽予四方各
帝其色兮宿天府之冥冥招拒既出震而司東兮神斗中
央而爲祖秉號令以穆穆兮嚙乎金火而執規架森蒲藪
之在列兮金烏委佗曰會同拜壇墀曰辰拱兮望赤帝陰
羽之周周葵稽首于堂下兮戎索殷索之和調保奉同而
未老兮且鴻誥而思明農撰杖祝鳩左射騶虞饒歌大室
愷樂獻俘祝蠋之遺則兮至宗周而大備儼祇祇之夙夜
兮執五行曰有事聿修大祀煙營氤氳天皇大帝御氣九

文四

八

闔大裘而冕質明上察請詩振鷺白馬助祭特牲全烝鸞
刀用蔡俎梲異實命乎太宰盛惠配天爲天子父文王令
聞百神尸主龍龍羊牛貽孫子嘏求賢柔官息皇繼序若
夫王狩屬車揭揭吉行卅里旌蓋轡轡同軌畢至覲于斯
堂閨闈戶曠肅承天常晷若列星之順行回兮若巖壑之
承茂矣旗物之扶筵廣矣衣冠之雲興隄唐山牆六七百
載郊面而巖膺遠而望之景光玄耀東西華榮儀象天地
員橢中程入而察之八闔四出日月異輝星躔布次堂室
崇階天容軒軒退而魚睨離若汎海極乎無際師保詔王
侯伯就列羣黎百姓若衽席之置夫是曰謂大教之宮巡
守之禮室寥窈冥曠乎數十世矣景出舍補不足陳夏諺

勸游豫南出樓象昆侖進奉大藥惟仙之人君王天泐千萬壽

臨安懷古賦

江上秋風裴回故宮芳草衰兮莫雲合流光逝矣歌舞終出武林而迢遼擊天目之嵒巖故國故都馮弔無窮夾城煙高地平殿闕重湖月黑骨冷英雄青山千古濁酒一中遺老盡矣信史在聞見絕而精誠通粵自宋政不綱汲京蕪蕪天潢什儻遺臣翼戴卽眞無靈武之詔從亾眇夏靡之輩李綱勤矣自江徂淮王淵請矣不進則退杭州旣改爲臨安天子所居曰行在國容遂多普師不再指襄樊呂爲藩撫常揚而面內使介交馳哀祈無悔梁元帝江陵軍

文四

九

府大有圖書王丞相建鄴經營能安闔闔至今百里之雲山猶似千官之劍佩於是朝野休息鍾鼓喧闐冠蓋旣集臺殿相連行宮廓艸創之制太學安絃誦之賢選德延和規模大启嘉明崇政制度相沿班固上靈臺之頌駱丞有帝京之篇德壽移宮之日隆興內禪之季瑤臺瓊闈已苑轉龍車鳳輦已回旋萋長春之碧艸汎太乙之紅蓮雲窗霧閣望若神仙嘯萬歲三風來肅然國家斯爲奠矣典禮於是崇焉若乃園壇泰禋之儀青城齋宮之設修築則絞縛可成陪祀則質明在列叅拱輦輅大慶精結壇壝依然玉幣無缺明堂合祭大饗品節吟載主而告遷行款謁而嗚咽奉安原廟之春秋遙拜胡天之風雪東京夢華之已

非南渡薦馨而不絕笑漢高之馬上庶叔孫之縣蕤百季
歲幣兩國尋盟誰爲國僑之事大不間向戍之弭兵王倫
孫近之可斬朱弁洪皓之無成蒼鴉飛而河洛灰燼銅狄
摩而吳越榛荆肇亏國書之佞姪極亏降表之僉名牛女
二星不成紫極麟洲小水如此蒼生孝光則小朝宴息曷
是則孺子震驚傷時者扼臂懷古者吞聲君王復讐之志
將相匡時之略秦岳之斃旣成韓趙之情又惡艸荒玉津
之園煙閣格天之閣儻使馬欲浮江燕非戀幕綱鼎位安
韓劉功廓免符離之覆退同采石之踊躍不樂金牛之游
遂踐黃龍之約百官冠舄同發錢唐九廟神靈重安河洛
采芑之紀中興麥秀之歌不作來巢兮鳳皇將飛兮未翔

文四

十四

春復秋兮華艸香宸游兮君王森乎排衙之石拓乎校
軍之場歌臺舞榭歲俛觴琳宮梵宇降福穰穰大將高
門風雲開閭小侯上第玉照名堂鞠部奏新翻之曲霞帔
試時世之妝圖畫流傳荷華桂子朝堂題署閭馬丁當指
撞敷之家居纖兒不少作下殿之天子富貴何常蘆灰沈
沈息壤千古夏后四載禹杭扈宇文身而披艸萊築唐而
捍斥鹵文物于漢代冠冕于南土三光景耀之奇五代文
章之府六井平海水之波十道分會稽之部八都輝于石
鏡三節歌于繡繡東南一隅豈非興亾之林而欣慨之所
颯縷近則鏡湖環其西胥山峙其裏東有海壘之浩淼南
登秦望而迤邐城形胥鼓樓櫓四起鬼鬼峩峩去天尺只

循天安而左轉曠馳道之如砥天門跌蕩呂鳳鸞大內屹
突而鶴峙太廟焄蒿于霜露中書奔走夫冠履阿監衛憲
于禁闔百官詔精于臺寺羌隱隱呂闐闐接萬家而未已
俄荒三輔之黃圖皇問六橋之流水矧戚里與侯家祇華
堂之荆杞遠則前控平江九重曾駐後臨越國六師造舟
度河絕中原之望浮海非神仙之游危乎溫台之避慘乎
厓山之秋背嵬軍來解山无恙水雲歸去琴軫空留出狩
未回夫劍閣行入誤識夫汭州釣魚之城徒築襄陽之兵
不收淮東愧大峴之捷空阮等沓中之謀偏安事去讖應
庚頭春鷓鴣吳山曲秋鴈飛江水淅黃旗紫蓋之已非高
臺曲池之誰屬月縣仁壽之鏡雲椒昭華之玉惟世世之
與闕遂古之相續蘭成不作江南之哀誰賦茂陵何如
女貞之樹猶綠

定香亭賦

若夫蓬蒿仲蔚之園棊酒讌公之墅下九初三之戲大有
林亭樵歌漁唱之閒非亾泉石天虛風月地闕文章聊共
冶游無資掌故定香亭者雲窈聽經之石儒自爲林風回
滌筆之池文原作苑眞州節使斲手杜老之艸堂青田茂
才微吟蘭成之小賦使君一去勝地重新盛事百季遺老
能說秋芳斯罽匪涉江而可采權歌如閭罷登高而可賦
也已

余其臺荒石壽樹古華新仍啟文游之地重逢公燕之辰

谷非鄭憲水疑洛濱有絃歌兮遺響羌兩學而爲鄰名山
訪古林下逢人披杜若兮飲清露植芳蘭兮馨香霧疇迎
翫夫物華奚惻愴夫遲莫非艸市之宅有桃源之路春煙
夕交鳥定新巢羅巨嘉植面巨姓郊挹巖阿之朝爽儲竹
箭之芳苞風攀招憲之桂霜縣可濟之匏正復千古可期
三餘多暇遲遲兮冶春炎炎兮消夏裁紉絜兮月殿擁金
鑑兮雪檉椹髮招嵇攤鼻吟讌復何悲乎管人想風流而
未罷地則十尋之阨半畝之宮市屢旣隔流水潛通埽羣
峰之黛色環綺牖之蔥蘢煥巨朝霞泉鳴洄湫惟照景之
瑤唐和閒所之琴筑椒木石之芳潤嘯晨曦而如沐翼翼
兮朱萼離離兮碧玉香綴蘅蕪蔭餘梧櫨旣華發兮東西

文四

三

復鳥鳴兮上下絲竹在堂華前一觴酒尊豔冶衣袂馨香
高閣公孫之館南樓庾亮之牀景差在楚枚叔游梁清歌
百季爲樂未央歌曰饒仁帶義喜心極欲采春華憎顏色
和之曰青霞冠兮白雲衣車殆馬煩得所歸於是大藥延
年鼓瑟言志邕學士之高文鬱君侯之奇意招明月之拄
天倚長松之得地牛膏卷卷之書蠹尾行行之字爲歡及
時學道遣累眺望高明蘊氣標致惟九秋之令卉豔風定
之扶渠帶盈盈之一水歌采香兮孰華予重嫌莫卷密幄
晨舒傾三斝之碧玉振四坐之瓊琚一載予亭之酒樂莫
樂兮于胥

登城賦 少作

壬子三月三日上武林城樓馮高四望怆慨傷懷灑翰賦
之藉抒憤懣云尔

人族處於天地兮眇滄海之一粟羌憂患之循環將於何
而託足幸上巳之克和兮撰佳辰而游目登武林之城樓
兮攬江山之所東左天姥之欽峯兮右浙水之奔屬結骨
母之逶迤兮帶重湖之灑濤風發發其徐興兮雲沈沈而
逾邈信登高之多感兮條涕淚之相屬莫春三月天地清
嘉靡蕪滿野桃李載華近桑榆之交蔭兮遠薺麥之載涂
馮軒楹而望朝市兮何紛沓已周遮雖生人之靈秀慨習
俗之浮奢問錢刀于夙夜兮塵日起而迷家眾競已媮薄
兮孰古處而靡佗當春榮之發生塊獨處于泥污蹙蹙踟

文四

圭

于衡門若威鳳之在笄面暨陽兮百里鄙閉門兮在茲指
吳興兮二水陳抱病兮經時久離羣而索居兮森子心之
自知橫琴兮欲鼓孰臨風而聽思運斤兮欲斲孰聖壘已
待之眾不可戶說兮顛到鵠鷺之昌披交九衢而欲語兮
眇不知其告誰羸弱而方冠兮遭遇兮多艱獨善而猶未
能兮攬八荒而嗟咨紛吾懷此百憂兮願馮高而少戢何
對此之茫茫兮忽百崙之交集升東臯之赫曦兮薄爾逝
而太急咏河清之難俟兮恐司命之汲汲鳳鳥不復至兮
君門遠而莫入寄一身于百尺兮若不可已久立循前除
而下降兮足才于階級惟莊突之齊物兮靡憂患之相
襲終栖心于系默兮解萬感之維繫

續駢體正宗敘

嗚呼文質之事我知之矣干霄之木根入九泉照乘之珠孕於員折筮磬發響律生於絜黍紈綺被色功始於縈絲故知文章原於天道若夫篇體皆出遂起曾公乃云脫俗失真猶其迹也夫車子一歌潛氣內轉中旗動操用志不紛士有蕉萃失職婉約言情單詞不足鳴哀獨思豈能無儷登山臨水秋士將歸羣鷺襍華春人望遠發過人之哀樂妙天下之語言至於金門可排玉堂不遠頌聲作於周召用賦盛於鄒枚振金玉者蔚乎廟堂之製紀勳庸者錄于南董之載惟訓詞之深厚乃聞見之本原若夫星霜首涂江海羈旅大夫則山川能說游子則雲物感懷含悽大雷之書撰奇石門之敘莫不文外獨絕稱心而言又或結訊朋交應求人事關山馳伯玉之使石墨寫中郎之碑契合通於神明箸錄尊於金石鬱乎奇意發爲高文都無愧詞采於史氏言乎蕃變則才性旣殊統乎宗旨則波瀾莫二百家旣棷別集斯錄九流可歸立言不朽讖夢漁給諫尙友論世今人與居游乎箸作之林判乎淄澠之味都轉之書固爲奇作文苑之續引爲己任惟呂問學爲主庶幾華實可兼固非女紅模繡之事豈有壯夫彫蟲之慚允恭克讓經訓可師蔚宗休文史體尤備君子務其大者修辭先乎立誠有不琢之大圭識續事之後素古文駢體一已卅之諒徑庭於人情若河漢而无極也

儀徵王句生先生詩敘

書曰詩言志詩敘曰詩者志之所之也故夫擷蘭紉蕙之流刻楮鏤冰之士莫不借口揚扆縱心陶寫然而華實失序雅鄭雜陳或高標遠寄澆沆瀣而憑虛或滯迹久淹緇泥壤而戾古渙靡而淫哇起謹歎而正聲流其志荒者其言哢大率表異塵區謝能靈府者也儀徵王先生思出物表晉與古居壯懷三千之流奇氣萬言之試發公羊之墨守蘊司馬之高文術兼經史興託騷雅所著詩集千篇都爲十卷杭州譚獻受而讀之亭亭千尺秦松挺而干雲皎皎連城和璧珍而韞櫝翫索妍妙愒忘涼燠夫凌陰雖納曾冰必由積水而成織縞旣貢袵絺豈謝素絲之質沃其膏以舒光滋其根以取蔭故知物必有本外不先內先生激揚孝弟沾漑經訓哲王之寤有方之游忠厚之遺風諫之體寢饋乎比興襟帶乎興觀悱惻周流精神褱箸子長有言其志潔故其稱物芳其先生之謂與原夫

文四

五

昭代聲教遠加滔滔江淮文物斯萃十室必有忠信逢原在其左右慨夫風雅之衰厥張鄙倍之習家寶蛄蛸之轉人嗜蓼蟲之辛度無不塵垢其心俳優其貌蒿萊叢生荃蕙孤出如先生者身涉江濤探原岷峨日攝傲徠訪奇泰岱自宜尸而祝之則而象之者也

知非齋詩敘

若乃愔愔湘水正則廿五之篇鬱鬱建安孔璋樂府之句

離憂終古才子千秋衡山陳君可謂和以楚謠植之漢骨者矣君抱體盅和學窮鯨噴牛心啖炙嬰母題篇偃蹇乙科脩明甲令乃屈承明之著作飾吏治以文章當十人而足了豈一行而遂廢馬遷游迹將藏書於名山吳質入官有憲事之小史君又運鉅筩之智負囊韉之勇神明以爲民父儒將貴於軍中玉弩生塵鐵衣沐雨江水寒而擊楫袍澤具而乞師從政之年偶書牘背入軍之作復磨盾鼻君陵顏轡謝之才攀阮招嵇之雅伏聞王鄧今之鄒枚君蓋解帶輸心倚輪講德一采沅澧莫非菖蘭作於宮室爰伐桐梓鳴球而和於九變廢瑟而應於一堂也已君又覃思天人出入彖易竺乾夙契小品旁通故能妙奔筌蹠性

文四

六

與天道張皇幽眇前無古人卽以迂生猥同默識非獨俞牙之聽實同溫伯之交今者君造車必合游刃若虛民物之故纏緜於每飯風雲之懷頡頏於作者流連管樂慨想黃虞益發浩倡之聲信乎知言之選名篇旁午削橐矜嚴五言美文選樓可上七字長句海內何人可謂盛矣可謂難矣獻蓬心飄搖木瘦旃贅結習未盡名言漸忘竊謂鐘鏞殊音宋古於追蠡秦華異峙同大於土壤學無止竟成由積漸塵纓濯而眾流斷浮雲盡而天宇開非夫懷樸之倫莫與銜華之事於是含茹馨逸往復幽深惟十九之寓言求三百之得所君矢詠有穆如之美爲政在學優之中以沈休文之詩兼任彥昇之筆道在一冊才長九能洋洋

旣盈簫勺競奏泚泚易盡演漉不流表以雕龍之心慚夫刻鵠之類云爾

吳學士遺文敘

全椒吳山尊學士以千秋一二之才撰八家四六之集平章眾製希風建安品藻羣倫復聞正始匪徒尙友古人抑亦其中有我所業在此來者難誣夫不朽之事自然之文代有數人今不逮古學士際星雲廣載之朝枚馬同時之盛明東漢之師法而不必侑樸學擅北宋之詩格而不居於名家獨於駢偶之篇奄有唐賢之體任沈清英而不疏齊梁綺麗而不縟閎深若張燕公開闔若杜牧之所以郎伯齊名孫伯青藍謝色也劉圃獻童年篆刻夙愧子雲三

文四

七

日坐卧不忘索靖一行作吏之日賢者通德之里平泉華木同梓澤之邱墟蓬萊文章亦羽陵之墜簡徵文考獻抱關守殘得遺文數十篇於故侍御薛先生家塾讀竟叢殘粗爲排類蓋自定之集不可復見散佚之餘賴有此耳學士定八家之文逸二注存南容甫之作披文相質落實取材伐柯之則在於簡質清剛相馬之眞主於清轉華妙善於持論夫子自道卽以學士之說次第學士之文賦先正明清之詩待有私淑艾之士資爲枕祕蔡中郎之論衡可與共語寒陵寺之片石時光緒六年重九後三日譚廷獻書於

銅陵舟中

夢辭敘

噫嘻簫吟鳳去待比竹之聲箏冷鴈飛匪獨絃之韻情以
雙而難歇物以耦而相憐是以樂府齊梁寓言身世楚辭
騷辨託興閨中芳艸原頭結春心而未已楊枝陌上叢離
緒以頻驚事有傷心感兼知己又况宵長夢短牀委簾而
已空物在人亾帚縷金而不御由房雅奏夏酬和之無期
入室恩情與華年而俱逝行媒求女怨結荷裳取友同心
言通蘭臭略閨房之婉變廣君子之精誠僕於陳君潤甫
夢辭一卷不以爲角枕之悲而以爲牙琴之感也夫以苟
枝婀娜春翻謝朓之階鳳羽襪襪夜入揚雄之夢月涼琴
語風落鏡潮車來緩緩之塵香燼遲遲之漏鴛鴦夫婿非
生世之不諧蛺蝶光陰苦爲歡之未足西烏夜飛之曲梧

文四

太

冷巢新大江東去之時柳牽舟住女兒心性大是聰明世
上悲愉都歸幻景至於幽憂善病涕淚爲浪一笑一顰幾
日已成追憶在天在地相逢未卜侘生君蘭成射策之年
孫楚悼亾之賦搏搏大地不載離愁浩浩長瀾難平古恨
抑情學道星月蕩而未休短歌散吟華鳥愁而如訴鮫還
有淚槃畱百琲之珠麝已成塵煙結六窗之篆韓偓憂危
之日傳寫香奩子瞻忠愛之言沈吟玉宇尤貴略其迹象
所當通以興觀僕老去捶琴一任焦夫桐尾狂來磨劍終
未割夫荷絲振觸無端低徊欲絕送成連於海上識子野
於坐閒織錦字之回文佳人解否問玉環之密誓長恨歌
中水輒山溫早喚起天涯之夢脂憔粉悴試招回地下之

魂

笙月詞敘

時則顛宇激鮮涼波蕩涵明月千里倡婦樓頭離笛三秋
西風江上王子於是悅縹渺之魂發徘徊之曲美人獨立
參差誰思鶴骨不肥如答子晉銀河無景疇箋玉谿水調
百篇笙月一卷抑何玲瓏其聲激昂善變與夫采詩入樂
無詔伶人按譜填詞豈云小技子夜讀曲之變勞人思婦
之遺致兼情文雅備比興世有作者前無古人庶尙友夫
風騷乃吐音於令慢濁志閨帷之內應求尊俎之間刻畫
微物以夸多雕琢曼辭以取悅閎達大雅蓋無取焉王子
之詞儲體於絜結想斯遠文外獨絕子懷信芳可謂古

文四

九

未拌洞簫作諛者也僕繼鼻洛下之吟隱几玉臺之集深
情祇有一往抽豪不知誰屬竊託同調敢曰知音隴首雲
飛洞庭葉下秋心杳然秋士悲矣

蘋洲漁唱敘

浙水以西嘉禾之里蓋樂府之職志而倚聲之林淵也珂
雪把梅村之袖竹垞拍飲水之肩四方歌曲莫能相尙吾
友嘉興張公束陶靈碧山標體白石擷梅溪之秀而芟其
蕪翫夢窗之奇而割其類先哲可作後來交推結交十五
六年唱予數十百調公束以稚圭揭橐不佞以止菴津逮
而同有法於臯聞以爲樹比興於慢令通絃雅於狃引譬
之染黛妝蛾短長入鏡成塵拂麝冷暖皆香琴緒分明酒

鄉棲逸抑亦磊落如昔鬻笑無端者矣公束去年賦春柳
四詩傳唱東南身世之感民物之故託興如見而楫詞可
通子閱歲乃始和之折腰淪落拄笏偃蹇同心離居兩刀
一鞘斯敬通孝標各當自敘可乎審定公束詞卷附以諱
之

書薛先生詩集後

夫桑根山色窈窕書堂錢唐湖水裏回行幃全椒先生杜
門讀書振衣作吏蓋皆有山水之助焉靈暉萬有妙物爲
言匪經匪名亦文亦句佇興而作有詩四卷蓋文不先質
華不先實潘生所談亮符縣解先生植學以爲基好古以
爲澤託事以爲興率性以爲涂故名章迴句狀遲遲之春

文四

三

日古意新聲吟湛湛之江水學士逕庭謝厥九能詞入藻
斧供徒一映所謂掇皮皆真文如其人者也獻朽木謝彫
詠歸亦和君子杖履之側後堂絲竹之聽竊見先生世味
旣澹道氣自親才鋒且斂名心殆盡疏傳言歸之日不治
生產霸陵徒行之夜誰知將軍春風不嘯浮雲易變頌聲
作于周召變雅采于大東豈有同哉豈有異哉

憶曇庵記

錢唐定南鄉東南有曇山焉余其只尺雲泉山名鬼崖谿
谷遐不絕俗窈而有文咸淳以前未在箸錄新安朱子過
之題句矜表山容秀發以土戴石春風未動村鄂先發斧
斤謝能樓閣隱見不亦麗乎昔瀕江之溪橋纜過而縈曳

痕如刻畫激滌靈根其來久矣吾友張子子虞生于是鄉
靈骨得氣屬以兵事轉徙州郭歲時伏臘存問父老每過
山下流連久之望榛莽而有思墮崔嵬而不改經營小築
題名述懷以志釣游以盟蘿薜夫謝公有墩醉陶有石賢
人雖遠故實可增山水之游不辭緣飾曇山之靈望張子
矣

石交圖記

君子之交貞信而已若乃輪囷鬼礪嶽萃萎蕤陷而不危
鞏輕之基不亦貞乎槃鬱嵯嵯刻畫屢屨霜雪靡迨久要
則立不亦信乎吾友邁孫高陽氏之儁也負骨旣奇同氣
斯應遐乎四方之游馨乎十步之艸纓蘿接軫儒墨傾矜

文四

主

和不弋光介不絕物惜別如雨言念生平人圖一石傳神
寫照古有金蘭之簿今有石交之圖丹青可傳警款不遠
雖山川阻深而恆在一室雖出處殊趣而彌久不渝大易
終日之吉風人我心之轉有如是夫昔者王君種石成癖
以自題目何圖前哲詒以圖畫六七十載後生同揆棲谷
翫奇采山招隱青霞之意白水之盟袍笏旣具請從君拜
益益之側倘容一卷則下走在焉

聞乾隆間有王君樹者石自號石交其後得倪

文正石交圖朝夕對之

嘉善築風亭碑

築風亭者浙江嘉善士民爲肅毅伯李公築也公名鴻章
安徽合肥人甄極圖書兼資文武由翰林出爲江南監司

惟時東南鼎沸蛾賊結聚沿江上下殆二千里公升壇誓眾殺敵致果旋拜江蘇巡撫之

命滔滔肥水誰迎讞石之師屹屹霸上方結亞夫之陳公以犬牙之錯唇齒之依惟彼平江襟喉吳會逆渠李秀成負嶠長洲之苑浙西諸郡縣掎角大槍之屯公不以主客自疑不以畛域自畫以爲浙師格在上游形勢中沮虎有牙須益肆其豪蹴而拔之乃制厥命於是樓船之軍攸飛之士呼則波立叱則墉摧七里之城一鼓可下公曰徐之乃以同治二年三月春水方生陽侯效順蒙童直進艸樹皆飛郭令公之一出導騎傳呼飛將軍之行夜浸石飲羽五兩決雲萬醜塞穴公輕舟薄城鳴礮警賊喘喙惕息矢

文四

三

不敢發公歸軍中謂將佐曰賊在吾目中矣雖破竹之執迎刃必解而蓋世之氣先聲奪人魏塘百里秀州分區循此而東傳檄皆下非上智何以洞幾非神勇何以制勝公平吳高于王濬百戰威于樂毅昔斯蛟有臺猶銘布衣之烈長風可借羈踐平生之言登斯亭者其亦頌壯猷賈餘勇也乎亭旣落成杭州譚獻紀敘斯文勒諸貞石云尔

答郭晚香書

晚香同年先生有道姑熟太守來告話言全椒山中正多風雪祇通異縣之書遂無乘興之訪自勞慰誨益用沈吟伏承來教流連南皮之游歎想平原之飲衣裳在筇別後誰同瑤玉居山何塗自達然而有道君子逸樂於名山平

生故人沈淪於末吏昔抗顏行今殊軌轍靜言以思胡能不歎獻與足下神交廿年偶同乙榜泰興之門齊名忝竊林宗之鑿擇交已遲言志如七子賦詩我輩以數人定韻自謂一邱一壑可與忘象忘言飢竟來驅吏非可隱孔稚圭所云抗塵容走俗狀者七年於茲矣軒轅臺下望江水而懷鄉霸王廟前起杜默而痛哭塵滿萊蕪之甌酒絕步兵之廚猶復發篋陳書停雲慕友文章而嗟才盡交游而歎離居言念諸子邈焉生平或怡神家荷或振轡皇路或翩翩書記或皓首橫經加以以川流易逝叢蘭多萎旣絕雞黍之約彌痛人琴之亾不聞集苑之歌遂有後死之涕知足下同此感也旣未探金匱石室之祕不免讀司空城

文四

三

旦之書比來五稔稍理九流究向錄之異同思邗書而一適何有獨照之匠殊非磊落之人於越古史趙煜袁康稚輪先賢計硯文種竊欲洽討以補闕遺此事遂廢當作吏之年結習未忘有述者之志安得共君朝夕相與丹鉛至於摛文百篇備詩五卷學子寫定汗青有待溫韋旣遠俳優自居句有長短義兼比興託於小知未敢多讓云尔足下又示屋梁顏色之詩雞鳴風雨之響伏誦三日附以千秋稱心贈答而言白首同歸斯在溫伯雪子之交何嘗下帶張敏相思之路同此夢尋匪河梁之五言徒劍首之一映足下其亦憐伯仁之退見然明之心也乎伏惟被讖譚獻再拜

上張大夫書

獻白獻負鹽短轅之下未敢鳴嘶吞腥污澤之中猶思祓濯乃者旁無紹介仰接光輝一奉音塵遂勞紆軫伏聞不啻口出無閒幽遐聽采虛車咨嗟燕石獻何以得此於明公哉意者魯遽之瑟有相應之聲然明之心有握手之歎是以技羞楮葉神往車茵積感既深所懷欲白伏承我公劑八儒三墨之平壯五嶽九州之志文通武達三公以辟置優賢知人安民九萬之扶搖伊始馮軾而問疾苦臥閣而清中外列郡培其元氣洽江流其惠聲猶復栖神道真游藝文囿時事原於經術吏治飾以詞章古有斯人今無其偶於是皖山望塵親冬日夏日之色佛峪刻石兼才人

文四

十四

學人之長善氣者造福之本原高文者闕達之餘緒然而
多思覃精目笑齊梁以下長吟寡和託體楚漢之遺往者
弇山尙書南城都轉懷文抱質嘯阮攀嵇不徒閱覽賢豪
友聲多助實則等身箸述名山可臧何嘗耀其振纓良足
尊其載筆私心舉例眾口可關者也獻側足百僚之底息
心九品之表齊處士吹竽之濫并無列試之時唐節使學
詩之年稍忘結習之痼非敢曰君平世弃棊局投閒亦自
知浮漫技疏鉛刀罷割匠門不遠帶水未遊偶狃勞歌庶
塵多覽使者遙聞行部平反紀不疑之仁流行適有天災
比興繼春陵之作伏希垂察不宜獻再拜

馮童子誄

代州馮氏世有間人童子名福基其先撫部公光裕提刑
公廷丞洸洸令德爲時名臣安徽潛山縣天堂巡檢焯之
子也焯文儒連蹇屈在卑位童子鍾濤嶽之地靈賡上黨
之家學勝衣執經語驚耆宿總角臨難功高介冑粵以咸
豐七年大盜盈野婉婉纍係嬰孺無算獨以弱幹運其奇
策實藥鬻金羣凶鼂飽忘生殉變甘與同盡其日賊殂十
七人童子毒發懸綴爲賊委棄野僧收之具聞斯異志全
厥生屬竄荆棘藥餌無所乃至奄忽悲裏父母歿而猶視
嗚呼哀哉夫以橫流之日易九之災膏血被野何聞愚智
持戈之士結綬之吏茹憤以盡者何限童子之外所披洩
者亦足慰矣昔者賁父有誅已在能御之士汪錡無殤尙
從公爲之後以今方古過無不逮當世賢達議諡童子曰
智烈禮也大府上章

文四

五

朝廷褒許於是流連奇行發揮哀辭爲之誄曰

食采於馮公高餘裔著籍代置弁冕奕世巨嶽之產寸條
必異高門之生非兮抗志抗志伊何激昂大義收功于危
懷忠其進行不在年天子以智儻枋尺寸用罔弗濟峩峩
潛山宵燧震驚蘭艾倂悴禦兪旣盈童子不畏奇憤以生
謂禍益烈疇主甲兵火炎昆岡勺水不傾流毒萬里天榛
地荆爰彼其魄駢尸在庭薦食吾穀如服上刑疇昔夜誦
辟咀父教疾風板蕩成人是效小子不豸蟲沙未造小子
豸矣并命虎豹嘉善一孺九賊殄藥地下如逢雪涕相告

嘉善孫文德八歲遇賊求信真賊釜毒
外九人文德榜外見浙江忠義錄續傳伊父吏隱英英多
聞西河之悵國殤之魂爾粟之憤可祀天神盈握之璧連
城勿珍人傳我文文傳其人嗚呼哀哉曰智烈君

王孝子哀辭

光緒六年四月朔有五日會稽孝子王繼毅自沈於鄞月
湖外繼毅之歿蓋可以不歿也其可以不歿奈何父教諭
府君某先一年病縣憊僅屬舍玉且具出走蒼黃告於大
社陳辭瀝血志不反顧惟麻衣之骨立從地下而靡及何
脩夜之不暘紛鬼伯之來集繼毅之歿未從父而因以殉
母也其殉母奈何兄歸卜葬母偃在牀神其眎聽鬲於幽
明繫髮膚之全受惡乎而用吾情糜身贖而不可驅狐狸

文四

五

於泉鄉淪漣之水一瞑不視如古懷沙魂魄無隊嗚呼可
以不歿而竟歿未能從父而殉母若猶以爲失愚何金膝
曰代某身後毀譽在所不計固已自道矣歿後一年王氏
之世父諸兄告於文人不沒其性行乃爲辭以哀之曰晨
迺諱於掌臆指匪齧而如傷孰無父而斬焉慙一母兮在
堂無泰山與鴻毛家則治而有兄翩雲車以來下兄復夢
以自明嗚呼學士程孝本兮神識不遷天路遠兮二人有
懷佗靡願兮巫陽不下乃終困兮豈弟君子沒豈晚兮朝
子望於甬上兮何穆穆之夕雲下曲水之月湖兮眇瀾瀾
而晨煙棄室家以自浮兮長侍乎二親何所無遠游兮羌
地下之寢門皋魚之立槁兮曠千載而德鄰崔子之渡河

兮寫子哀于五絃猶加絃于桐棺兮嗟何辜兮蒼天衷卜
氏而謂學兮軼獨行之清塵

答王竹泉同年書

附

竹泉同年足下計車三廢遂曠音塵沈霾簿領忽誦手書
企德門之教孝辱君子之懷舊遠荷慰誨仰承起居動定
如聞欽遲彌聞弟自棄青袍遂牽塵鞅行七年矣一宰新
安滄黃山之靈氣再蒞南譙想迷溝之叱咤無如宦情既
淺吏材自愧無濟於民物復違乎師友祇聞三損何有一
善畏我友朋如何可言君家至行閨檐已奇子詒孝子風
烈彌著作者如林不遺葑菲滄沐名教寤思琦行何敢以
不文辭謹撰上哀辭一篇自抗塵俗久廢筆研惟平生故

文四

七

人垂念不逮賜教督焉停雲有作合并無期行已伯玉知
非之年無復子游學道之效名山回首悔與慚俱緘札經
年南汀云逝方作書郵旋爲異物亦增寢門之慟矣廷獻
再拜

哀二士文

唐元結有惡圓惡曲之篇讀之知方直之行之貴也亦以
知方直之過將至於無所容也獻耳目所接一二年間乃
有劉縣令何教諭蹈刃浮江蓋迫迨於官悲憫於世乎嗚
呼胡爲方直之士至無所容而出於一死天爲之乎人爲
之乎劉履芬字彥清江山人吾友也候補府同知官江蘇
十餘年以文學事上官比光緒五年秋權嘉定知縣縣有

冤獄殺無辜人君當閱實不能抗上官以平反神明盡傷
已而告殺人者至諉也君廉知之而法當往眎屍度諉者
必挾以難吏憤甚先一夕自刺死閱一年上元何忠萬字
子青者官宿遷教諭鍾吾書院歲入駱馬湖租司出內者
侵金錢無算有司左右之君以爲書院固學官責也持之
急遂爲怨家告訐吏議模稜不別白也君則以爲大辱光
緒六年會試被落當還故官附火輪船昧爽赴江水死不
得其骸如二君者可哀也夫獻於二君或識或不識求其
隱痛沒身之故則以名家舊德不可以失職蒙垢負先人
之清白其外也古之所謂忼慨者與白居易箸哀二良文
弔幕府之抗節者獻以爲二君遭逢困阨迹異心同不欲

文四

天

以繳傲者蒙污苟其立朝廷任封疆伏節死義者其在斯
人乎乃爲文以哀之二君者皆有官位箸仕籍而獻曰二
士蓋傳於子臧之言固守節之士也曰余昔一翼之師兮
今從百里之政儒官旣旒贅兮邑長束縛於律令吁二子
之百罹兮無如何而若命一瞑而不復視兮志不行而生
竟羣巫焉乃下招兮無遠逝兮營魂霄霓夕其荒荒兮冥
而不知其原踐搏搏之九土兮何所其無埃氛來濯纓於
滄浪兮奚委身於重昏噫嘻苟聽訟於孟涂兮吏可爲兮
刻木仰以嚇夫鷓雛兮謂腐鼠以同欲孰非正而可從兮
孰非道而可依自古皆有死兮顧人生兮可哀秋風兮蕙
摧火烈兮玉毀尙棲心兮道眞歌迷湯兮知止

施母墓志銘

母葉山東歷城人幼秉有齊之性長奉無違之教年廿七歸于烏程施氏施固儒族府君某潛德不曜含章可貞不幸卽世所遺二男笏无彊近之親室无禦冬之蓄鄰里敦勉兩郎廢學出就負販可謀升斗母曰不然身未亾人圖保單門君子憂道惟食不謀安貧讀書橫經爲士於是饋粥艱於再食光輝窘於四壁風晨雨夜繅絲不休恆所坐處當鄰皆穿古昔斷機无已過也令子補華朝夕拊背之訓出入齧指之恐借書輒誦多文有聲搏扶暫息斂翅家荷履蹈不忒遺音泮林母以補華文行日高門多長者顧而樂之悄然復悲言念疇昔幾襍庸保忍歎勸學不期世

文四

无

榮無何三吳騷然蔓延羣盜補華奉母轉徙不蹈危機兄弟遠引皎然勿污母憂能傷人纏緜疾亂定歸里兩三季閒遂至沈憊以同治五季七月卒春秋六十有二母性寬仁頗好施與比其喪也里媪失聲不圖帟幃乃見晏子長子補華湖州府學優行廩膳生次某二子將以某季卜葬母於某山而以狀請杭州譚獻爲銘獻於補華友也雖升堂之拜阻於衣帶而當世女宗具於彤管銘曰

古俾婦惠無非無儀持危扶顛彼相攸宜彼相則邗而母是濯洗泂令子千人之雋匪食之求而惠之進峴山高高雲水旣秋母靈髣髴母墳焦臺孝子歸善汪君可師曰施氏母勞苦之碑

魏烈女墓碣

夫以珠玉可糜無改其潔白沈檀既爇迺發其馨香固知性善而不渝變至而不奪貞夫一者也吾越山川崇秀天地清嘉自來志士畸人亦旣比肩接踵又况幽篁涕淚隣古帝之三妃植羽婆娑拜女巫之一女閨禋箸節志乘垂輝蓋已久矣魏烈女者名家箴組生有令儀弱息媼姪早哀復我謝庭春絮最小偏憐涇水秋茶我躬不閱父恭壽以女失母孤雛承歡孝水選壻得上虞王光祖字之謂么鸞巢穩枳棘無憂雛鴈春初槃匝可奉矣無何恭壽又卒閨中月苦曙後星孤女之篤孝哀傷蓋可知也女年二十而嫁行及昏期是歲五月之間俄驚噩夢光祖苗而不秀

文四

三

弱而先零赴至婦家禮無往弔女也山高墜石碎無復合之期雨落實天下絕重回之望決脰陷冑之氣域下軍摧天荒地老之情不周山觸淚浮枕簟血已同枯妝徹瑱環魂兮先盡兩家童角尙有嫁殤從一女貞誓歸見廟惟時禮俗之士父兄之言未嘗無敬禮之誠尙未決將迎之議而女之從父昌壽願成苦志忽有遠遊女以爲孤露有年叔父猶父遲回不定雖生無生六禮奠鴈生不逢有爛之儀一杯仰鴆死願作下殤之鬼在家從父問名卽委贄之臣視死如歸一瞑絕羣疑之論距光祖之死一月而烈女身殉焉清風灑浙蠅蚋不飛異馥芬馨芝蘭在戶於是感均頑豔興起衣冠日在天中終古常新之色禮由義起文

家合葬之規請書愍女之碑可合陶嬰之傳鴻鵠雲間之翼不忍分張梧桐冢上之枝盡成連理樹之片石永矣千

秋

張君妻江氏墓志

嗚呼神仙之說或曰荒唐伉儷之間人殊輕重謙自然之化去孫子荆之悼亾何以侖焉江堅字子璞文學君漪泉之女少尉君清藻之室也閨房巧笑呈于奉膳之晨選樓文章就于停鍼之夕比文學君之終也緹縈泣血隧九地而通辭娥江精靈見三光而不忍茹鍼仰藥若分棗栗之甘繫帛隊樓仍有保抱之護笏皇愚孝悅忽先靈姊妹傳之言歸少尉隱於文吏鼎鼎百年娥娥雙笑文窗窈窕

文四

三

象管分攜粉本從橫黛妝未竟藻績之練喁于之句世有聞焉所謂同繪軒者雖傳舍居官亦一時勝事已滅性之孝非惟寒暑之侵淪謫之人恆細期頤之算又況歎吟華月拍鉢寸肝薄宦舟輿晡迷曉露上元女仙或來嘯侶修支故事竟及閨檐江蓋於月色高寒詩聲酸苦鳳鸞景事鶉鴛分張遂以長吉自識云明年廿七光緒七年閏月產亾三醫之藥謁之而失中一焚之芻棄之而猶熱屋呼臯女之復庭傷奉倩之神與夫託以仙靈澹其哀悼曷若求之禮法祿此言功屬者鄉里僑州上言公府

朝家令甲褒許幽泉知與不知孝于惟孝獻官書手披質行心數家聲制水言終寢門之志旅窳濠梁如從羸博之

葬文木連理緯楔千春

僧月印生壙志

夫四大和合動轉歸風百年旦夕骨肉親土死生大矣蒙
莊之卮言究竟涅槃瞿曇之了義歛覺華釋月印者從諦
言文字悟夢幻泡影自嘉慶庚辰亂而剃度夜而脩持麻
麥之澆徧施於長者哀悅之誦感動於異人游方之外由
定生慧者已大智所照游蕪無名夙世前生詩禪畫理環
中象外水宿山棲文字之維那煙霞之後喻居士吸西江
之水精舍布化城之金自夫纓絨無垢之儒葦布忘言之
士莫不蘭闔彈指香積皈心瓶鉢因緣牟尼堅固柳栗之
杖吳楚倦游貝葉之書龍天擁護江村結夏明無明心丈

文四

五

室安禪世出世想亦越光緒紀元臘踰六十智周大千迺
悟雲駛月運之剎那將尋枯木寒巖之般若非戀色身偶
營歸室天花如雨不沾維摩之衣明鏡非臺且種菩提之
樹惟善知識說無生話乃爲銘詩

秋水共長天江空一月印風華新好者乃是無生忍道人
黟山出木石爲佛性珠衣窮子窮藥王病夫病廿年山水
遊舟岸與無竟歸來見能仁無著相接引願學長不死觀
河道眼瞬曰西方不無坐忘非戒定蕭蕭祇樹園獨有山
鳥應待梅子熟時雨溼林閒磬

薛中議慰農師六十壽言

廷獻於全椒薛夫子脩相見禮在咸豐協洽之年箸弟子

籍貫同怡旃蒙之歲惟時專城郡伯兼轉漕之豸章侍坐
諸生盡空羣之驥德成功代謝而後賞音寥廓之中文字
孰爲傳人交游通於性命時月歷二十寒暑期以千秋離
合阻異地江山邈於一室不揆薄植謬許傳衣竊以爲及
門多賢青藍相謝生平歷湖甘苦略同以一人之私言比
當仁而不讓聊博掀髯之笑以侑介眉之醜可乎伏念師
簾書授讀橐筆代耕清門數七葉皆儒函丈守五經爲教
獻少傷孤露不獲聞辟呬之言長卽羈栖未克肆膠庠之
業與師異矣然而叩張華之篋捉原憲之襟奉母傭書食
貧鬻字則有同焉師人中鸞鸞原上脊令著述軼乎三劉
科名齊乎二宋獻旁無第顧景鮮儔學失師承孤生子

文四

五

立與師異矣然而分鐙就塾燥髮得朋結臭味於古人諷
戲逾於寸晷則有同焉師翔步名場盛年通籍飛卿八叉
之手李程五色之篇獻十駕回車乙科滯轍題榜無羅隱
之名削牘下劉蕡之第與師異矣然而親承砭石藟心寫
帖括之文盼斷泥金繭足逐計車之吏微有同焉師仁設
蒲鞭智深鉤距學道絃歌之宰策勛戎馬之間獻仕學非
優聰明不逮書考驚寵辱之地戴星愧出入之勤與師異
矣然而書生與父老相忘得情而鞭笞不忍雁思戶集魚
可金生殆有同焉且夫成之者性道在自然更略遭逢還
商心志師干莫之氣銳於李邕清濁之分渾於黃憲以故
莊襟老帶見形者謂之和員折方流親炙者知其介獻奉

教以來逢時多舛立身本末辨晏子之和同與物周旋戒
屈平之婞直造車合轍世法終違送抱推襟故步不失敢
以爲性分之合也師讀九儒八墨之書不立門戶笑暮四
朝三之術祇益支離以故漢宋分涂波瀾先障陸王異節
輔頰徒騰獻志學而後兼愛好奇書肆說鈴固寸長而尺
短蜀日越雪奚入主而出奴識曲聽真但無竿濫講非求
是勿逞機鋒可以爲學識之近也師杜陵詩史文如其人
太白酒星後無來者以故萬言可待奪學士之錦袍五色
相宣受夢中之彩筆獻聲諧燈盞句滿奚囊讓坐客之劉
又狂吟冰柱識微辭於韓偓罷賦香奩一句兩句在人耳
中大雅小雅埃諸論定固並有詞章之嗜也師心勞政拙

文四

書

功在民間進禮退義超然物外以故備史公之列傳循史
儒林拜海內之人師名遂身退獻錦初學製刀不藏鉛白
鷗盟心數訟庭之花落飛鴻送目想故國之春生不待十
年言尋初服祇求一試非有宦情又均無利祿之懷也於
是還我使君有如前日今茲弟子敢在下風望若斗山壽
同金石溯公青山高隱已閱終星數公黃髮大年正當周
甲青佩讐書之日月金門獻賦之年華雉下車前春風無
恙馬鳴旗側落日依然承平之吏卒如仙幕下之健兒已
貴大江南北聖俞則詩繡弓衣浙水東西荀勗則祠陳春
酒而吾師舉杯邀月商春夢之醉醒策杖看山笑浮雲之
變滅芝蘭盈砌桃李在門未妨盡室之貧祇有吾行之素

東山無墅人閒之兒女蒼生西笑何心同學之少年白首
文章聲價爭赴龍門貧賤夫妻相依鴻案今日者大山小
山之授業雛鳳老鳳之清聲講坐經師名門家學尙比泐
南古訓合傳伏勝之圖但看蘇氏詩篇繼起斜川之集獻
請益又違三載敢忘夫子之哂由作歌試誦百年竊附韓
門之有湜此日衣裾坐席門下誰從古人飲酒彈琴俗心
蚤盡淵明處士誓求三徑之資成連先生自在五絃之外
斯言率爾或曰起子

文四

蓋

